

КАНОН МОЛЕБНЫЙ
глас 8

Пресвятей Богородице,
поемый во всякой скорби¹

Песнь 1

Ирмос: Воду прошэд, яко сүшу, и египетскаго зла избежав, израильтянин вопиаше: Избавителю и Богу нашему поим.

Безчисленными ураняеми есмь несчестиями, зельными печальми, в них ослабеваем, но уже Ты сих, Богомати, на Тя уповающия исхити.

Безмерно волнения ныне лютыя сердца всех нас наполняют, но Ты пристанище даждь, Дево, иже Тобою предстательством непобедимым богатеем.

Слава: Вжиляющи² и сердце, и помышления наша, бесполезных и недостойных раб Твоих, укрепи, Девице, Твоими предстательствами тяжкия удобно отразити.

И ныне: Спасаящи вся земнородныя, и тяжких зол присно избавляющи, спаси ныне молебники Твоя от вреда обдержавшаго ны, Богоневесто.

Песнь 3

Ирмос: Небеснаго круга Верхотворче Господи, и Церкви Зиждителю, Ты мене утверди в любви Твоей, желаний краю, верных утверждение, едине Человеколюбче.

Буря отчаяния ныне на нас воздохнула есть: Владычице, утешение мира, сию утиши, всех нас к радости пристанищу приводящи, окормляющи благодатию Твоего заступления.

Злобы демонов яко много страждем, отсюду и жизнь всю печальнейшую проводим, Ты же помози, Божественныя Радости вина, печалаящая скорейше рассевающи.

Слава: Матерними моленьми волнение злых, рабы Твоими овладающее, укроти, Всенепорочная, лукавыя ветры усыпляющи и противную бурю далече уводящи.

И ныне: Твоему Сыну указующи, благосклонному Господу, освобождение всякаго вреда Твоим молебником подай единым мановением, горести изнати, крепость яко имущи Богородительнице.

Песнь 4

Ирмос: Услышах, Господи, смотрения Твоего таинство, разумех дела Твоя и прославих Твое Божество.

Злых ныне свирепеющия волны скорби Ты утиши, тихое радости пристанище зачениши, Мати Дево.

Мучений свободи, склонившиися горестным мольбам, всякую тягость насущную, Непорочная, абие подьемлющи.

Слава: Горестными обстоянии изнемогаем, конечно бедствующии, но сих тяжесть легко, Дево, претвори.

И ныне: Печаль уврачуй, ны, рабы Твоя, ныне держащую, Яже болезни матерския в Рождестве Твоем избежавши, Богоневестная.

¹ Творение преподобнаго Феодора, игумена Студийскаго.

² Укрепляя.

Песнь 5

Ирмос: Просвети нас повелении Твоими, Господи, и мщицею Твоею высокою Твой мир подаждь нам, Человеколюбче.

Мрак разсей отчаяния конечнейшаго, светом Твоим просвещаючи души иже Ти усердно прибегающих, Всенепорочная.

Укрепи крепко сердца чтущих Тя, во еже мучений находящими ударами неураненным пребыти, покровенным Божией благодатию.

Слава: Змия изворотливаго, молебником Твоим вред причиняющаго и коварствия уготовляющаго, всяким образом погубив, умертви.

И ныне: Всякаго врага, враждебно належащаго нам, рабом Твоим, Всенепорочная, Божественною Твоею мщицею растоптав, уничтожи.

Песнь 6

Ирмос: Молитву пролию ко Господу, и Тому возвещу печали моя, яко зол душа моя исполнися, и живот мой аду приближися, и молюся яко Иона: от гли, Боже, возведи мя.

Налегли суть, крепции налегли Твоим рабом, Богомати Дево: иже враждебно нам имущии природою, воюющими и гнетущии безмерно: Ты же, надеждо крепкая, превознесенную гордыню сих смири.

Язвы, яко подобни суть яве, неисцельныя нам сохраняются, сего ради и ныне неизлечимо для врачевства болящим потоцы нападают, хлещущии болезненно, но сих, Чистая, Ты избави.

Слава: Жизни наслаждениям работающе, всякое воздержание отвергающе, сущим праведнейшим судом Божиим настоящим печальным осуждени есмы, но бездну зол наших безмерность благости да победит.

И ныне: Излил есть на ны Господь гнев Свой Божественным повелением, яко бо и гнева стяжавших детей ярость гнева Его прияла есть, пищу злых творя, но Сего нам Ты умиловати.

Песнь 7

Ирмос: От Иудеи дошедше отроцы, в Вавилоне иногда, верою Троическою пламень пещный попраша, поюще: отцев Боже, благословен еси.

Твоими молении, Богородице, Твоего Сына упроси жалобу прияти у молебников падающих, но тепло вопиющих и верою зовущих: отцев наших Боже, благословен еси.

Божественныя ныне милости Тобою улучшить ожидающи, Всенепорочная, молебныя гласы приводим болезненно, моления умножающе и к Твоему образу честному, яко бы живому, обращающиеся.

Слава: Сокровище Тя видяще неистощаемое отнюдь и нерасточаемое, прибегаем почерпсти безмерная благодеяния, богатство неотъемлемое, да не лишии ны надежд сих ныне.

И ныне: Ума малодушие вся ны обременило есть, Всенепорочная, приведшее к мукам, слезам и болезням, но Сама ныне отыми, вопити: отцев Боже, благословен еси.

Песнь 8

Ирмос: Царя Небеснаго, Егоже поют вси ангельстии, хвалите и превозносите во вся веки.

Уныния сердец кто укрепит, удобно разрешаючи, Дево, аще не едино воистинну Божественное Твое предстательство?

Горькия печали Твоих молебников кто ныне укротит, аще не Ты Единая, Богородительнице, Врача душ рождающая?

Слава: Болѣзнейшия на́ши ду́ши да уврачу́еши и искуше́ний мрак да изго́ниши, Непоро́чная, луча́ми честна́го Твоего́ заступле́ния.

И ныне: Обстоя́ния, трудо́сти да преложи́ши в ра́дость, Ра́дость ро́ждшая, Влады́чице ми́ра, ве́рных предста́тельство.

Песнь 9

Ирмос: Вои́стинну Богоро́дицу Тя испове́дуем, спасе́ннии Тобо́ю, Де́во Чи́стая, с безплóтными ли́ки Тя велича́юще.

Плóтию ро́ждшая Го́спода вся́ческих, свобóду от злых да́руй нам, и́же к Нему́ благоприя́тными Божество́нными проше́ниями.

Сжа́лися, Де́во, Твои́м моле́бником жа́лостным, и всего́ тяжкаго свободи́, насущны́я нападе́ния отряса́ющи.

Слава: Ра́дости и весе́лия испо́лни Твоя́ рабы́, всеце́ло Ти прибега́ющих, Непоро́чная, печа́ли серде́ц вытесня́ющи.

И ныне: Бо́га, благоде́теля всех и Спа́са, ма́терними Твои́ми молéнии упрóси избéгнути опа́сностей, Чи́стая, всем рабо́м Твои́м.